



IRISH RESEARCH COUNCIL
An Chomhairle um Thaighde in Éirinn

**TÉARMAÍ AGUS COINNÍOLLACHA GINEARÁLTA MAIDIR
LE PRÍOMHDHÁMHACHTAIN FAOI THREOIR
IMSCRÚDAITHEOIRÍ**

Aibreán 2021

CLÁR ÁBHAR

SAINMHÍNITHE	4
SCEIDEAL 1 - TÉARMAÍ AGUS COINNÍOLLACHA GINEARÁLTA	7
1. Raon feidhme	7
2. Ginearálta	7
3. Barántais	7
4. Freagrachtaí na hinstitiúide óstaí	8
5. Freagrachtaí an dámhachtaí	9
6. Íocaíocht na dámhachtana	9
7. Cuntasacht airgeadais	11
8. Téarma	11
9. Maoiniú rialtais	12
10. Ath-leithdháileadh buiséid	12
11. Sócmhainní cláir	12
12. Maoin intleachtúil	14
13. Athbhreithniú ar dhul chun cinn	14
14. Iníúchtaí agus coimeád taifead	15
15. Rochtain oscailte	16
16. Bulaíocht, ciapadh agus ciapadh gnéasach	17
17. Comhionannas inscne sa taighde	17
18. Rialachas taighde	17
19. Maoiniú a aithint	18
20. Forbairt ghairme	19
21. Dámhachtainí breise	19
22. Aistriú dámhachtana	19
23. Foirceannadh	20
24. Coinbhleachtaí leasa	20
25. Cosaint sonraí	22
26. Saoráil Faisnéise	22
27. Réiteach díospóide	22
28. Force majeure	23
29. Inscóiteacht	23
30. Cineál an chaidrimh	23
31. Imeachtaí dlí	23

SCEIDEAL 2 - COINNÍOLLACHA SPEISIALTA	24
SCEIDEAL 3 - AN SCEIDEAL BUISÉID AGUS ÍOCAÍOCHTA	24
SCEIDEAL 4 - AN SCEIDEAL TUAIRISCITHE	24
SCEIDEAL 5 - DEARBHÚ UM GHLACADH LEIS AN DÁMHACHTAIN	24

SAINMHÍNITHE

An dlí is infheidhme	<i>ciallaíonn sé aon dlí is infheidhme in Éirinn (gan achtachán breise) nó aon dlínse infheidhmithe eile agus áireofar ann gan teorainn, an dlí coiteann, reacht, ionstraim reachtúil, forógra, fodhlí, treoir, cinneadh, rialachán, riail, ordú, fógra, cód cleachtas, cód iompair, ciorcláin rialtais nó teoracha eile, riail chúirte, ionstraimí, nó reachtaíocht tarmligthe nó fo-reachtaíocht.</i>
Iarratas	<i>ciallaíonn sé an fhoirm iarratais lena n-áirítear na doiciméid go léir a ghabhann léi.</i>
Gradam	<i>ciallaíonn sé an gradam mar a thuairiscítear sa litir tairisceana.</i>
Dámhachtaí	<i>ciallaíonn sé an príomh-imscrúdaitheoir.</i>
Buiséad	<i>ciallaíonn sé an buiséad a shainaithnítear i sceideal 3 agus aon athrú a chomhaontaíonn an Chomhairle um Thaighde in Éirinn i scríbhinn.</i>
Comhoibritheoir	<i>ciallaíonn sé duine atá tiomanta do ranniocaíocht luachmhar intleachtúil agus / nó theicniúil a sholáthar don taighde beartaithe agus a fhéadfaidh nó nach bhféadfaidh maoiniú a fháil tríd an dámhachtain.</i>
Tuarascáil dheiridh	<i>ciallaíonn sé an tuarascáil atá le tabhairt ag an dámhachtainí don Chomhairle um Thaighde in Éirinn de réir sceideal 4.</i>
Tuarascáil airgeadais	<i>ciallaíonn sé an tuarascáil / na tuarascálacha atá le tabhairt ag an dámhachtainí don Chomhairle um Thaighde in Éirinn de réir sceideal 4.</i>
RGCS	<i>ciallaíonn sé Rialachán Ginearálta an AE um Chosaint Sonraí 2016/679.</i>
Institiúid óstach	<i>ciallaíonn sé an eagraíocht a bhfuil an litir tairisceana dírithe chuici.</i>
Maoin intleachtúil	<i>ciallaíonn sé gach maoin intleachtúil a tháirgtear i dtaca leis an ngradam lena n-áirítear cóipchearta, paitinní, cearta dearaidh, rúin trádála, faisnéis rúnda, trádmarcanna, trádainmneacha, ainmneacha fearainn, marcanna seirbhíse, samhlacha fónais, cearta morálta, cearta topagrafaíochta, cearta agus bunachair sonraí agus saineolas i ngach cás cibé acu atá sé cláraithe nó incláraithe nó nach bhfuil agus lena n-áirítear clárúcháin agus iarratais ar chlárú aon cheann de na cearta seo agus gach ceart agus cineál cosanta den chineál céanna nó a bhfuil éifeacht choibhéiseach nó chomhchosúil acu le haon cheann díobh seo áit ar bith ar domhan.</i>
An Chomhairle um Thaighde in Éirinn	<i>gníomhaireacht chomhlach de chuid na Roinne Breisoideachais agus Ardoideachais, Taighde, Nuálaíochta agus Eolaíochta, faoi choimirce an Údaráis Ardoideachais.</i>

Litir tairisceana	<i>ciallaíonn sé an litir a d’eisigh an Chomhairle um Thaighde in Éirinn ag sonrú leibhéal agus fad na dámhachtana ar ghlac an institiúid óstach léi tríd an deimhniú glactha a ghabhann leis an litir sin a fhorghníomhú.</i>
Síneadh gan aon chostas	<i>ciallaíonn sé síneadh ar fhad théarma na dámhachtana.</i>
Rochtain oscailte	<i>ciallaíonn sé infhaighteacht saor in aisce ar an idirlíon poiblí, rud a ligeann d’úsáideoirí téacsanna iomlána na n-alt seo a léamh, a íoslódáil, a chóipeáil, a dháileadh, a phriontáil, a chuardach nó a nascadh, iad a ransú le haghaidh innéacsaithe, iad a chur ar aghaidh mar shonraí chuig bogearraí, nó iad a úsáid le haghaidh aon chuspóir dleathach eile, gan aon bhacainní airgeadais, dlíthiúla nó teicniúla seachas iad siúd atá doscartha ó rochtain a fháil ar an idirlíon féin. Ba cheart gurb é an t-aon srian ar atáirgeadh agus dáileadh, agus an t-aon ról atá ag cóipcheart sa réimse seo, smacht a thabhairt d’údair ar shláine a gcuid oibre agus an ceart go dtabharfaí aitheantas agus lua ceart dóibh.</i>
Páirtithe	<i>ciallaíonn sé an Chomhairle um Thaighde in Éirinn, an institiúid óstach agus an dámhachtainí.</i>
Sonraí pearsanta	<i>ciallaíonn sé aon phíosa faisnéise a bhaineann le duine inaitheanta.</i>
Sócmhainní cláir	<i>ciallaíonn sé aon sócmhainn lena n-áirítear trealamh, a fuarthas nó a gineadh, go díreach nó go hindíreach le leas na dámhachtana.</i>
Tuarascáil ar dhul chun cinn	<i>ciallaíonn sé an tuarascáil / na tuarascálacha atá le tabhairt ag an dámhachtainí don Chomhairle um Thaighde in Éirinn de réir sceideal 4.</i>
Mí-iompar taighde	<i>ciallaíonn sé déantús (lena n-áirítear sonraí nó torthaí a chomhdhéanamh gan teorainn agus iad a thaifeadadh nó a thuairisciú), falsú (lena n-áirítear ábhair, trealamh nó próisis taighde a ionramháil nó gan a bheith teoranta dóibh nó sonraí nó torthaí a athrú nó a fhágáil ar lár sa chaoi nach ndéantar an taighde a léiriú go cruinn sa taifead taighde), bradaíl (smaointe, próisis, torthaí nó focail duine eile a leithreasú gan creidmheas iomchuí a thabhairt) nó diall tromchúiseach eile ó chleachtais inghlactha.</i>
Tionscadal taighde	<i>ciallaíonn sé an tionscadal taighde a thuairiscítear san iarratas agus aon leasuithe a chomhaontaíonn an Chomhairle um Thaighde in Éirinn i scríbhinn.</i>
Foireann taighde	<i>ciallaíonn sé an dámhachtainí, an fhoireann, mic léinn, taighdeoirí cuairte agus daoine eile atá fostaithe, bainteach nó fostaithe ar shlí eile ag an institiúid óstach chun críocha an tionscadail taighde.</i>

Téarma	<i>ciallaíonn sé tréimhse na dámhachtana mar atá mínithe sa litir tairisceana faoi réir aon leasuithe a chomhaontaíonn an Chomhairle um Thaighde in Éirinn i scríbhinn.</i>
Téarmaí agus Coinníollacha	<i>ciallaíonn sé na téarmaí agus na coinníollacha atá leagtha amach i sceideal 1.</i>
Suíomh Gréasáin	<i>ciallaíonn sé www.research.ie.</i>

SCEIDEAL 1 - TÉARMAÍ AGUS COINNÍOLLACHA GINEARÁLTA

1. Raon feidhme

- 1.1. Tá na Téarmaí agus Coinníollacha seo infheidhme maidir leis na cláir seo a leanas:
 - Clár Conair SFI-IRC 2021

2. Ginearálta

- 1.1. Sa doiciméad seo, i dteannta leis an doiciméad glao ábhartha, an litir tairisceana agus beartais agus nósanna imeachta an Chomhairle um Thaighde in Éirinn, leagtar amach na Téarmaí agus Coinníollacha ginearálta do gach príomhdhámhachtain faoi threoir imscrúdaitheoirí arna maoiniú ag an gComhairle um Thaighde in Éirinn.
- 1.2. Forchoimeádann an Chomhairle um Thaighde in Éirinn an ceart na Téarmaí agus Coinníollacha seo a leasú tráth ar bith. Tabharfar fógra faoi aon leasuithe den sórt sin ar na hinstiúidí óstacha rannpháirteacha agus cuirfear suas iad freisin ar shuíomh gréasáin na Comhairle um Thaighde in Éirinn.
- 1.3. Is féidir beartais agus nósanna imeachta Chomhairle um Thaighde in Éirinn a fháil ar www.research.ie. Féadfaidh an Chomhairle um Thaighde in Éirinn iad seo a leasú, a fhorlíonadh nó a athsholáthar tráth ar bith.
- 1.4. Beidh an dámhachtain faoi rialú agus forléiriú de réir dhlíthe na hÉireann agus cuirfidh na páirtithe faoi dhlínse Chúirteanna na hÉireann go sainráite agus go neamh-inchúlghairthe.
- 1.5. Mura gcomhlíontar na Téarmaí agus Coinníollacha seo d'fhéadfadh smachtbhannaí a bheith ann, suas go dtí an dámhachtain a fhoirceannadh nó a chúlghairm agus lena n-áirítear, agus forchoimeádann an Chomhairle um Thaighde in Éirinn an ceart cistí a íocadh go páirteach nó go hiomlán a aisghabháil.
- 1.6. Áirítear le haon tagairt do Chomhairle um Thaighde in Éirinn, nuair is iomchuí, dá réamhtheachtaí an Chomhairle um Thaighde sna Dána agus sna hEolaíochtaí Sóisialta agus Comhairle Taighde na hÉireann um Eolaíocht, Innealtóireacht agus Theicneolaíocht.

3. Barántais

- 2.1. Tugann an instiúid óstach do Chomhairle um Thaighde in Éirinn go:
 - (a) ndéanann a ionadaí cuí-údaraithe an cháipéisíocht glactha dámhachtana a fhorghníomhú, ar ionadaí é a bhfuil lánchumhacht agus údarás aige na Téarmaí agus Coinníollacha seo a dhéanamh;
 - (b) go bhfuair sé agus go gcoimeádfaidh sé ar feadh ré na dámhachtana na toilithe, na ceaduithe, na húdaruithe, na ceadúnais agus na ceadanna uile is gá ionas gur féidir leis a oibleagáidí faoi na Téarmaí agus Coinníollacha seo a chomhlíonadh agus nach ndéanfaidh sé aon ghníomh nó neamhghníomh a d'fhéadfadh bheith mar chúis le neamhbhailíochtú, sárú nó lagú ar bhealach eile de thoilithe, údaruithe, ceadúnais nó de cheadanna den sórt sin;
 - (c) go bhfuil agus go mbeidh gach ráiteas, uirioll nó faisnéis a sholáthraítear in aon tuarascáil a chuirfidh an instiúid óstach faoi bhráid na Chomhairle um Thaighde in Éirinn, nó faisnéis a sholáthraíonn an instiúid óstach mar fhreagairt ar iarratas ón

- gComhairle um Thaighde in Éirinn, a mhéid agus is eol don institiúid óstach, fíor, iomlán agus cruinn;
- (d) go bhfuil na scileanna, oiliúint agus cáilíocht chúí ag an dámhachtainí agus ag aon duine ar an bhfoireann taighde nó a chomhlíonann dualgais a bhaineann leis an dámhachtain, chun na dualgais sin a chomhlíonadh;
 - (e) go ndéanfar earcú foirne agus mac léinn ar an bhfoireann taighde ar bhealach oscailte, trí fhógra poiblí;
 - (f) go seolfar an tionscadal taighde i gcomhréir leis na beartais institiúideacha agus na dlíthe is infheidhme;
 - (g) go sainaithnítear saincheisteanna de chineál eiticiúil a bhaineann le tionscadal taighde a luaithe is féidir agus, nuair is gá, go bhfuarthas cead ón gcoiste / na coistí eitice arna n-aithint ag an institiúid óstach;
 - (h) go gcomhlíonann an tionscadal taighde na ceanglais náisiúnta agus idirnáisiúnta go léir a rialaíonn úsáid ábhair nó phróisis íogaire, mar shampla, ach gan a bheith teoranta d'iseatóip radaighníomhacha, radaíocht ianaíoch, ainmhithe saotharlainne nó eile, orgánaigh phataigineacha, orgánaigh ionramháilte go géiniteach, substaintí tocsaineacha agus guaiseacha agus taighde ar ábhair dhaonna.
 - (i) comhlíonann an tionscadal taighde forálacha an [Achta um Thús Áite do Leanáí 2015](#) agus an [Treoir Náisiúnta um Chosaint agus Leas Leanáí 2017](#);
 - (j) comhlíonfaidh sé gach cead riachtanach agus reachtúil atá leagtha síos ag údaráis áitiúla agus náisiúnta maidir leis an gcomhshaol a chosaint, truailliú a chosc agus cosaint sláinte agus sábháilteachta níos leithne na sochaí a chinntiú.

4. Freagrachtaí na hinstitiúide óstaí

- 3.1. Tá an institiúid óstach freagrach go hiomlán as an dámhachtain agus as cloí an dámhachtana agus, nuair is infheidhme, gach ball den fhoireann taighde, leis na Téarmaí agus Coinníollacha seo agus le beartais agus nósanna imeachta Chomhairle um Thaighde in Éirinn
- 3.2. Ní mór don institiúid óstach:
 - (a) cloí leis na Téarmaí agus Coinníollacha seo agus le beartais agus nósanna imeachta Chomhairle um Thaighde in Éirinn;
 - (b) a chinntiú go bhfaighidh an dámhachtainí agus gach ball eile den fhoireann taighde cóip de na Téarmaí agus Coinníollacha seo, agus aon athruithe ina dhiaidh sin;
 - (c) a chinntiú go bhfeidhmíonn an dámhachtain mar phríomhphointe teagmhála do Chomhairle um Thaighde in Éirinn le linn an téarma mhaoinithe;
 - (d) a chinntiú go soláthraítear treoir agus maoirseacht chúí don fhoireann taighde;
 - (e) gan athrú suntasach a cheadú ar an tionscadal taighde, mura gcomhaontóidh an Chomhairle um Thaighde in Éirinn a mhalairt i scríbhinn;
 - (f) a chinntiú go bhfuil an dámhachtainí freagrach don institiúid óstach as treoir, bainistíocht agus saothrú an tionscadail taighde ina chuspóirí go léir;
 - (g) a chinntiú go ndearna an dámhachtainí agus gach ball eile den fhoireann taighde iarratas ar uimhir aitheantais ORCID agus go bhfuair sé nó sí í;
 - (h) a chinntiú go mbíonn aon duine agus a foireann go léir ag idirghníomhú ar bhealach gairmiúil le foireann Chomhairle um Thaighde in Éirinn;

- (i) a chinntiú go bhfuil deimhniú ar oiliúint sláine taighde a dhéanann an dámhachtain agus an fhoireann taighde ar fáil lena iniúchadh ar iarratas;
 - (j) a chinntiú go gcuirtear timpeallacht shábháilte oibre ar fáil do gach duine a bhfuil baint acu leis an dámhachtain. Caithfidh cur chuige agus beartas na hinstitiúide óstaí ar ábhair sláinte agus sábháilteachta na ceanglais rialála agus reachtacha uile is infheidhme a chomhlíonadh agus a bheith comhsheasmhach le dea-chleachtas;
 - (k) na ceanglais reachtúla ábhartha, na ceanglais rialála, na rialacháin agus na fodhlíthe go léir a bhaineann leis an dámhachtain a chomhlíonadh agus lena n-áirítear gach teorainn a bhaineann le fostaíocht, rannpháirtíocht nó rannpháirtíocht chomhaltaí na foirne taighde.
- 3.3. Tabharfaidh an institiúid óstach fógra don Chomhairle um Thaighde in Éirinn a luaithe is féidir más rud é:
- (a) gur laghdaigh sé nó sí go mór a gcuid ama nó a dtiomantas gairmiúil don dámhachtain;
 - (b) go mbriseann sé nó sí nó go bhfuil sé de rún aige nó aici a nasc leis an institiúid óstach a bhriseadh;
 - (c) go bhfuil sé nó sí as láthair ar feadh tréimhse leanúnaí de thrí mhí nó níos mó;
 - (d) go bhfuil sé nó sí tar éis scaradh le treo gníomhach na dámhachtana, nó go bhfuil sé ar intinn aige nó aici scaradh leis.

5. Freagrachtaí an dámhachtaí

- 4.1. Ní mór don dámhachtaí cloí i gcónaí leis na Téarmaí agus Coinníollacha seo agus le beartais agus nósanna imeachta Chomhairle um Thaighde in Éirinn dá dtagraítear laistigh.
- 4.2. Tá an dámhachtaí freagrach as treoir agus bainistíocht an tionscadail taighde ó thaobh airgeadais, dlí agus eitice de.
- 4.3. Ní mór don dámhachtaí a chinntiú go bhfuil an fhaisnéis uile a chuirtear isteach i dtuarascálacha chuig an gComhairle um Thaighde in Éirinn, nó i dtaca leis an dámhachtain, cruinn, iomlán agus curtha ar fáil de réir amlínte sonraíthe.
- 4.4. Ní mór don dámhachtaí gach céim réasúnach a ghlacadh chun a chinntiú nach dtéann baill na foirne taighde i mbun mí-iompair taighde.

6. Íocaíocht na dámhachtana

- 5.1. Íocfar an dámhachtain leis an institiúid óstach de réir sceideal 3 thíos, arna leasú ag an gComhairle um Thaighde in Éirinn, faoi réir comhlíonadh ag an institiúid óstach agus ag an dámhachtainí na Téarmaí agus Coinníollacha seo.
- 5.2. Cuirfidh an institiúid óstach an dámhachtain i bhfeidhm mar atá leagtha amach sa chomhaontú seo agus ní chlaonfaidh sí ar bhealach ar bith gan toiliú i scríbhinn roimh ré ón gComhairle um Thaighde in Éirinn.
- 5.3. Íocfar an dámhachtain trí aistriú leictreonach chuig an gcuntas bainc arna ainmniú ag an institiúid óstach de réir sceideal 3 thíos.
- 5.4. Nuair a shaináithnítear gannchaiteachas mór mar chuid den phróiseas tuairiscithe, féadfar íocaíochtaí ina dhiaidh sin a laghdú, nó tráthchlár na n-íocaíochtaí a leasú.
- 5.5. Nuair is infheidhme, soláthróidh an Chomhairle um Thaighde in Éirinn maoiniú do stipinní iarchéime ar ráta comhréidh de €18,500 in aghaidh na bliana ar feadh suas le ceithre

bliana. Déanfaidh an Chomhairle um Thaighde in Éirinn ranníocaíocht uasta de €5,750 in aghaidh na bliana i dtreo chostas na dtáillí iarchéime.

7. Cuntasacht airgeadais

- 6.1. Ní mór don institiúid óstach a chinntiú go bhfuil na cistí go léir a éilítear agus a íoctar faoin dámhachtain incheadaithe, riachtanach agus réasúnach chun an tionscadal taighde a sheoladh.
- 6.2. Tabharfaidh an institiúid óstach na tuarascálacha airgeadais riachtanach don Chomhairle um Thaighde in Éirinn mar atá leagtha amach i sceideal 4 thíos.
- 6.3. Tabharfaidh institiúid óstach sé an tuarascáil airgeadais deiridh don Chomhairle um Thaighde in Éirinn laistigh de seasca lá ó dheireadh an téarma mhaoinithe.
- 6.4. Tabharfaidh an institiúid óstach gach ciste nár caitheadh ar ais chuig an gComhairle um Thaighde in Éirinn laistigh de seasca lá ó dheireadh an téarma mhaoinithe.
- 6.5. Áiritheoidh an institiúid óstach go ndéanfar soláthar earraí agus seirbhísí faoin dámhachtain de réir dhlí agus bheartas soláthair, lena n-áirítear aon treoirlínte arna n-eisiúint ag an Roinn Caiteachais Phoiblí agus Athchóirithe maidir le soláthar na hearnála poiblí.
- 6.6. Má thabhaíonn an institiúid óstach costais a sháraíonn méid na dámhachtana, íocfaidh an institiúid óstach an barrachas sin.
- 6.7. Beidh sé de cheart ag an gComhairle um Thaighde in Éirinn aisíocaíocht a lorg i gcás ró-íocaíocht ar an dámhachtain, lena n-áirítear an ceart an ró-íocaíocht sin a fhritháireamh i gcoinne íocaíochtaí breise na dámhachtana.
- 6.8. Ní féidir leis an óst-institiúid maoiniú don tionscadal taighde céanna a ghlacadh nó a fháil ó aon fhoinse eile mura gceadaíonn an Chomhairle um Thaighde in Éirinn é i scríbhinn roimhe seo.
- 6.9. Forchoimeádann an Chomhairle um Thaighde in Éirinn an ceart iniúchtaí ar an institiúid óstach a choimisiú nó le haghaidh comhlíonadh airgeadais nó eile. Gabhann an institiúid óstach uirthi féin na hathbhreithnithe seo a éascú go hiomlán.
- 6.10. Forchoimeádann an Chomhairle um Thaighde in Éirinn an ceart dearbhú a iarraidh ó iniúchóirí seachtracha ar na nithe seo a leanas:
 - (a) go bhfuil cuntais bhliantúla na h-institiúide óstaí cothrom le dáta agus go bhfuil siad ceadaithe ag na hiniúchóirí gan cháilíocht;
 - (b) nár ardaíodh sa litir bhainistíochta ó na hiniúchóirí aon ábhair a chuaigh nó a d'fhéadfadh dul i bhfeidhm go mór ar riarachán na dámhachtana;
 - (c) gur úsáideadh na cistí a fuarthas chun na críche ar dámhadh iad.
- 6.11. Ní ghlacann an Chomhairle um Thaighde in Éirinn aon fhreagracht, airgeadais nó eile, as caiteachas nó dliteanas a éiríonn as obair a dhéantar faoin dámhachtain.
- 6.12. Ní mór don institiúid óstach an Chomhairle um Thaighde in Éirinn a shlánú go hiomlán i gcoinne gach caiteachais nó dliteanas den sórt sin agus i gcoinne aon chaingne, imeachtaí, costas, damáistí, éilimh ar chostais agus éilimh a eascraíonn astu lena n-áirítear, go háirithe, ach gan teorainn, aon éilimh ar chúiteamh a fhéadfaidh an institiúid óstach bheith faoi dhliteanas mar fhostóir nó eile, nó aon éilimh ó aon duine i ndáil le haon mhaoin intleachtúil.

8. Téarma

- 7.1. Tosóidh an dámhachtain ar an dáta a shonraítear sa litir tairisceana agus, mura ndéanfar í a fhoirceannadh níos luaithe de réir na dTéarmaí agus na gCoinníollacha seo, leanfaidh sí ar aghaidh ar feadh na tréimhse a shonraítear sa litir tairisceana.
- 7.2. Féadfaidh an Chomhairle um Thaighde in Éirinn síneadh aon chostais aonuaire a cheadú ar feadh uastréimhse 25% d'fhad iomlán na dámhachtana tar éis dheireadh an téarma bhunaidh. Ní mór don dámhachtainí agus don institiúid óstach iarraidh ar shíneadh gan aon chostas a dhéanamh i scríbhinn agus ní mór di [Beartas Síneadh Gan Chostas](#) na Comhairle um Thaighde in Éirinn, de réir mar a leasófar ó am go ham, a chomhlíonadh. Tabhair faoi deara le do thoil nach bhfuil feidhm ag an teorainn ama seo i gcásanna sosanna gairme incháilithe amhail saoire mháithreachais, saoire uchtála, saoire cúramóra nó saoire bhreuiteachta fhada.

9. Maoiniú rialtais

- 8.1. Admhaíonn an institiúid óstach go bhfuil an Chomhairle um Thaighde in Éirinn ag brath ar Stát na hÉireann chun a ghníomhaíochtaí deontais a mhaoiniú agus, mura bhfuil maoiniú leordhóthanach le fáil ón Stát, b'fhéidir nach mbeidh an Chomhairle um Thaighde in Éirinn in ann a tiomantais dámhachtana go léir a mhaoiniú. Dá réir sin, aontaíonn an institiúid óstach mura bhfuil maoiniú leordhóthanach ag an gComhairle um Thaighde in Éirinn chun a tiomantais dámhachtana uile mar a dúradh a chumhdach:
 - (a) go mbeidh an Chomhairle um Thaighde in Éirinn i dteideal dá lánrogha féin a chinneadh cé na gealltanais dámhachtana a leanfaidh sí leo agus na gealltanais a dhéanfaidh sí a laghdú, a chur ar fhionraí, a fhoirceannadh nó a chúlghairm;
 - (b) go mbeidh an Chomhairle um Thaighde in Éirinn i dteideal dá lánrogha féin an dámhachtain a laghdú, a chur ar fionraí, a fhoirceannadh nó a chúlghairm trí fhógra i scríbhinn a thabhairt don institiúid óstach.

10. Ath-leithdháileadh buiséid

- 9.1. Admhaíonn an Chomhairle um Thaighde in Éirinn, tar éis dámhachtain a thosú, go bhféadfadh go mbeadh méid áirithe solúbthachta i mbainistíocht buiséid d'fhonn cuspóirí an taighde a bhaint amach ar an mbealach is fearr. Is é beartas na Comhairle machnamh a dhéanamh ar iarratais ar ath-leithdháileadh cistí má éascaíonn sí aidhmeanna an tionscadail taighde a éascú. Tá tuilleadh sonraí le fáil i [Beartas Ath-leithdháilte Buiséid](#) de chuid na Comhairle um Thaighde in Éirinn.

11. Sócmhainní cláir

- 10.1. Cinnteoidh an institiúid óstach caighdeáin éifeachtacha bainistíochta agus cothabhála sócmhainní.
- 10.2. Úsáidfear na sócmhainní a ceannaíodh faoi aon dámhachtain go príomha chun críche an tionscadail taighde.
- 10.3. Beidh an institiúid óstach freagrach as a chinntiú, nuair is iomchuí, go bhfuil cumhdach árachais leordhóthanach do shócmhainní a ceannaíodh faoin dámhachtain. Má dhéantar damáiste nó scriosadh na sócmhainní sin, déanfaidh an institiúid óstach iad a dheisiú nó a athsholáthar.

- 10.4. Dílseoidh sócmhainní cláir a cheannófar faoin dámhachtain san institiúid óstach, mura gcomhaontaítear a mhalairt leis an gComhairle um Thaighde in Éirinn i scríbhinn.
- 10.5. Má mholtar go n-aistreofar an dámhachtain chuig institiúid óstach eile, ní fhéadfaidh aon aistriú den sórt sin tarlú go dtí go dtiocfar ar chomhaontú roimh ré, i scríbhinn, idir an institiúid óstach agus an Chomhairle um Thaighde in Éirinn maidir le cearta in aon sócmhainní cláir a ceannaíodh faoin agus dámhachtain.

12. Maoin intleachtúil

- 11.1. Ní dhéanann an Chomhairle um Thaighde in Éirinn aon éileamh ar mhaoin intleachtúil a éiríonn as an dámhachtain.
- 11.2. Nuair is iomchuí, spreagann an Chomhairle um Thaighde in Éirinn go ndéantar gach iarracht réasúnach lena chinntiú, nuair is indéanta, go n-aistrítear fionnachtana agus dul chun cinn eolais a eascraíonn as an tionscadal taighde chun leasa an phobail lena n-áirítear forbairt tráchtála mar atá leagtha amach i [bPrótacal IP Náisiúnta na hÉireann 2019](#).
- 11.3. Sa chás go ndéanann an Chomhairle um Thaighde in Éirinn maoiniú iomlán ar thaighde, beidh úinéireacht ag an institiúid óstach ar aon mhaoin intleachtúil a eascróidh as an taighde. Ansin beidh an institiúid óstach saor chun socrúithe a chaibidliú d'eagraíochtaí eile chun rochtain a fháil ar an maoin intleachtúil chun na buntáistí a bhaineann le tráchtáil d'Éirinn a uasmhéadú.
- 11.4. Ní mór don institiúid óstach rialacha agus nósanna imeachta a bhunú chun aon mhaoin intleachtúil a eascróidh le linn na dámhachtana a chosaint agus a bhainistiú. Caithfidh na rialacha agus na nósanna imeachta seo a bheith de réir treoirlínte náisiúnta.
- 11.5. Ní mór don institiúid óstach agus an dámhachtaí scaipeadh, chomh fairsing agus is indéanta le réasún agus de réir an [Prótacal IP Náisiúnta na hÉireann 2019](#), aschuir an tionscadail taighde i bhfoilseacháin a ndéantar piarmheasúnú orthu go hidirnáisiúnta, agus, nuair is iomchuí, i measc an phobail i gcoitinne.
- 11.6. I gcás taighde chomhoibritheach ina bhfuil níos mó ná institiúid óstach amháin i gceist, ní mór do chomhaontú taighde (lena n-áirítear tagairt do chearta maoine intleachtúla, réiteach díospóide agus rúndacht) a bheith i bhfeidhm sular féidir tús a chur leis an dámhachtain. Níor cheart go mbeadh téarmaí aon chomhaontaithe den sórt sin contrártha leis na téarmaí a leagtar amach sa doiciméad seo agus ba cheart cóip d'aon chomhaontuithe den sórt sin a chur ar fáil do Chomhairle um Thaighde in Éirinn.

13. Athbhreithniú ar dhul chun cinn

- 12.1. Leagann an Chomhairle um Thaighde in Éirinn an-tábhacht le monatóireacht a dhéanamh ar dhul chun cinn, aschuir agus toradh a dámhachtainí. Tá an t-amchlár chun tuarascálacha eatramhacha agus deiridh ar dhul chun cinn a chur isteach leagtha amach i sceideal 4. Braithfidh leanúint an mhaoinithe ar dhul chun cinn leordhóthanach a thaispeáint trí na tuarascálacha seo ar dhul chun cinn.
- 12.2. Tá sé de fhreagracht deiridh ar an institiúid óstach a chinntiú go gcuirtear isteach tuairiscí ar dhul chun cinn atá sásúil do Chomhairle um Thaighde in Éirinn:
 - (a) de réir mar a éilítear faoi na coinníollacha dámhachtana nó;
 - (b) a mhalairt ar iarratas ó Chomhairle um Thaighde in Éirinn lena n-áirítear, nuair is ábhartha, tuarascálacha maidir le haschuir taighde a ghintear tar éis don dámhachtain bheith críochnaithe suas le tréimhse deich mbliana tar éis dháta an fhoirceanta sin.
- 12.3. Sa chás go gcuimsítear sna tuarascálacha riachtanacha ar dhul chun cinn faisnéis nó sonraí ó thríú páirtithe, tá an institiúid óstach freagrach as a chinntiú go bhfuil sí údaraithe go cuí an fhaisnéis tríú páirtí sin a nochtadh don Chomhairle um Thaighde in Éirinn.
- 12.4. Cinnteoidh an institiúid óstach go gcuirfidh an dámhachtaí gach tuarascáil riachtanach ar dhul chun cinn isteach go pras agus, más infheidhme, laistigh den tréimhse a shonróidh an

Chomhairle um Thaighde in Éirinn. Má tá cúiseanna eisceachtúla ann a fhágfaidh go mbeidh moill ar chur isteach aon tuarascála, lena n-áirítear an tuarascáil dheiridh, féadfaidh an institiúid óstach iarraidh i scríbhinn chun an spriocdháta a shíneadh ar an gComhairle um Thaighde in Éirinn sula mbíonn an dáta dlite imithe in éag.

- 12.5. D'fhéadfadh an Chomhairle um Thaighde in Éirinn, mar thoradh ar mhainneachtain an tuarascáil riachtanach ar dhul chun cinn a chomhdú faoin spriocdháta sonraithe, nó tuarascáil mhíshásúil a chur isteach an dámhachtain a laghdú, a chur ar fionraí, a fhoirceannadh nó a chúlghairm. Sa chás go gcuirtear deireadh le dámhachtain, beidh cead ag an gComhairle um Thaighde in Éirinn aisghabháil an airgid a bronnadh a lorg.
- 12.6. Sa chás go bhfuil tuairiscí ar dhul chun cinn thar téarma, nó míshásúil don Chomhairle um Thaighde in Éirinn, ní bheidh an dámhachtaí incháilithe chun a bheith ainmnithe ar iarratas ina dhiaidh sin ar mhaoiniú ó Chomhairle um Thaighde in Éirinn go dtí go mbeidh an tuarascáil thar téarma sin curtha isteach agus go dtí go ndearbhófar go bhfuil sí sásúil.
- 12.7. I gcás na ndámhachtainí go léir, cuirfear céatadán áirithe den mhaoiniú, mar a léirítear i sceideal 3, in áirithe chun a chinntiú go gcuirfear an tionscadal taighde i gcrích go sásúil. Mura bhfaightear an tuarascáil deiridh, a bheidh sásúil don Chomhairle um Thaighde in Éirinn laistigh de shé mhí ó fhoirceannadh na dámhachtana, beidh an Chomhairle um Thaighde in Éirinn i dteideal an dámhachtain a fhoirceannadh agus gan an íocaíocht deiridh dámhachtana a íoc.
- 12.8. Féadfaidh gach tionscadal a bheith faoi réir taighde sheachtraigh agus iniúchadh airgeadais. Is é aidhm aon iniúchta aidhmeanna bunaidh na dámhachtana a fhíorú agus dul chun cinn a chinneadh mar a shonraítear. D'fhéadfadh athbhreithniú píaraí neamhspleách nó cuairt láithreáin a bheith san áireamh in iniúchadh taighde de réir mar is cuí. Déanfaidh an institiúid óstach comhoibriú go hiomlán le haon iniúchóir nó comhairleoir gairmiúil den sórt sin agus rochtain iomlán a thabhairt dóibh ar gach taifead airgeadais agus taifead eile dá dtagraítear in alt 13.

14. Iniúchtaí agus coimeád taifead

- 13.1. Coinneoidh an institiúid óstach taifid airgeadais ar leithligh don dámhachtain a shainiú le cód tagartha a bhaineann go sonracha leis an dámhachtain.
- 13.2. Caithfear gach taifead airgeadais i ndáil leis an dámhachtain a choinneáil de réir dea-chleachtais chuntasáíochta.
- 13.3. Coinneoidh an institiúid óstach cibé taifid eile is gá go réasúnach chun an Chomhairle um Thaighde in Éirinn a shásamh gur chomhlíon an óst-institiúid na Téarmaí agus Coinníollacha seo, lena n-áirítear taifid a bhaineann leis an dul chun cinn, aschuir agus toradh den tionscadal taighde.
- 13.4. Ní mór don óst-institiúid agus don dámhachtain gach taifead dá dtagraítear i gclásal 14.3 a chur ar fáil don Chomhairle um Thaighde in Éirinn nó dá ionadaí / ionadaithe údaraithe ar fhógra réasúnach ar feadh ré an tionscadail taighde agus ar feadh tréimhse sé bliana tar éis an tuarascáil dheiridh a bhaineann leis an dámhachtain a chur faoi bhráid na Comhairle um Thaighde in Éirinn.

15. Rochtain oscailte

- 14.1. Tá beartas na Comhairle um Thaighde in Éirinn maidir le rochtain oscailte ar fáil [anseo](#).

- 14.2. Nuair is ábhartha, cinnteoidh an institiúid óstach go gcomhlíonfaidh an dámhachtaí agus an fhoireann taighde an [Creat Náisiúnta maidir leis an Aistriú chuig Timpeallacht Taighde Oscailte](#).
- 14.3. Éilíonn an Chomhairle um Thaighde in Éirinn plan bainistíochta sonraí a chur isteach de réir na gceanglas a leagtar amach i sceideal 4. Tá treoir maidir le plananna bainistíochta sonraí a ullmhú ar fáil [anseo](#).

16. Bulaíocht, ciapadh agus ciapadh gnéasach

- 15.1. Tacaíonn an Chomhairle um Thaighde in Éirinn le córas ina bhfuil taighdeoirí, idir bhaill foirne agus mhic léinn, i dteideal a gcuid taighde a dhéanamh saor ó chiapadh, íospairt nó bulaíocht de chineál ar bith.
- 15.2. Tá sé de fhreagracht ar an institiúid óstach cultúr taighde iomchú a chruthú agus déileáil le haon ghearáin faoi chiapadh, íospairt nó bhulaíocht de réir nósanna imeachta córa agus ceartais nádúrtha agus bunreachtúil agus de réir a nósanna imeachta inmheánacha arna dtreorú ag beartais náisiúnta.
- 15.3. Tá foireann uile Chomhairle um Thaighde in Éirinn i dteideal go gcaitear le cúirtéis agus meas i gcónaí leo agus, dá réir sin, spreagtar iad chun aon chás idirghníomhaíochtaí a thuairisciú don bhainistíocht. I gcásanna ina mbíonn iompar maslach nó míchuí á dhéanamh ag duine aonair ar bhall foirne, forchoimeádan an Chomhairle um Thaighde in Éirinn an ceart aon iompar den sórt sin a thuairisciú don phearsanra ábhartha san institiúid óstach a bhfuil baint aige leis an duine aonair.

17. Comhionannas inscne sa taighde

- 16.1. Tá [Straitéis Inscne agus Plean Gníomhaíochta](#) de chuid na Comhairle um Thaighde in Éirinn tiomanta d'oibriú go córasach agus go comhfhiosach chun dul i ngleic le dúshláin inscne trí:
 - (a) ionadaíocht inscne níos cothroime a spreagadh sa daonra taighde, mar shampla trí rólchuspaí ábhartha a thaispeáint;
 - (b) a aithint go bhféadfadh claontacht neamhfiosach inscne bheith ann agus céimeanna a ghlacadh chun aon éifeacht ar phróisis agus nósanna imeachta inmheánacha a theorannú chun cothrom na féinne a chur ar fáil do gach iarratasóir;
 - (c) tacú le forbairt tionscnamh náisiúnta chun fáil réidh le srianta agus bacainní struchtúracha a bhaineann le hinscne in earcaíocht, dul chun cinn, coinneáil agus soghluaisteacht gach taighdeoir i gcóras taighde na hÉireann;
 - (d) feasacht a mhéadú faoin ngá le breithniú an bhfuil gné ionchasach gnéis agus/nó inscne ábhartha i dtogra taighde agus, nuair is ábhartha, a éilíonn anailís ghnéis/inscne a chomhtháthú i ndearadh, i gcur i bhfeidhm, i meastóireacht agus i scaipeadh an taighde.
- 16.2. Is riachtanas é go gcuirfidh an dámhachtaí agus a institiúid óstach cothromaíocht inscne chun cinn i ngníomhaíochtaí forbartha taighde agus scaipthe, go háirithe maidir le heagrú painéal comhdhála nó líonraithe a bhaineann leis an dámhachtain.

18. Rialachas taighde

- 17.1. Ní mór don institiúid óstach a chinntiú go ndéantar iompar taighde den chaighdeán is airde a chothabháil i gcónaí le linn na dámhachtana.
- 17.2. Beidh córais éifeachtacha i bhfeidhm ag an institiúid óstach chun cáilíocht an taighde a dhéanann an fhoireann taighde agus aon chomhoibritheoir eile sa tionscadal taighde a chinntiú.

- 17.3. Beidh sásraí éifeachtacha ag an institiúid óstach chun mí-iompar taighde a aithint agus beidh nósanna imeachta comhaontaithe agus poiblithe go soiléir aici chun líomhaintí a rinneadh faoi mhí-iompar den sórt sin a imscrúdú.
- 17.4. Cinnteoidh an institiúid óstach go gcomhlíonfaidh an dámhachtaí agus, más ábhartha, an fhoireann taighde [Cód Iompair Eorpach um Ionracas Taighde](#), an [Ráiteas Beartais Náisiúnta maidir le hIonracas Taighde a chinntiú in Éirinn](#) agus aon treoir eile a fhéadfaidh an Chomhairle um Thaighde in Éirinn a eisiúint maidir le sláine taighde.
- 17.5. Cinnteoidh an institiúid óstach go bhfaighidh gach ball den fhoireann taighde nach bhfuil leibhéal oiliúna deimhnithe acu cheana i sláine taighde, an oiliúint sin laistigh de:
- (a) sé mhí ó dháta tosaithe na dámhachtana; nó
 - (b) má théann an ball isteach ar an bhfoireann taighde tar éis dháta tosaithe na dámhachtana, laistigh de shé mhí ón dáta a rachaidh siad isteach san fhoireann taighde.
- Mura ndéantar a chinntiú go bhfaighidh gach ball den fhoireann taighde oiliúint atá deimhnithe go hiomchuí in ionracas taighde laistigh den tréimhse seo, féadfar an dámhachtain a laghdú, a chur ar fhionraí nó a fhoirceannadh.
- 17.6. Tabharfaidh an institiúid óstach, i scríbhinn, don Chomhairle um Thaighde in Éirinn, i scríbhinn, sonraí faoi aon líomhain chruthaithe ar mhí-iompar taighde a bhaineann go díreach nó go hindíreach leis an dámhachtain.

19. Maoiniú a aithint

- 18.1. Is riachtanas sainráite é don dámhachtaí, don fhoireann taighde agus don institiúid óstach aitheantas poiblí a thabhairt don tacaíocht a fuarthas ón gComhairle um Thaighde in Éirinn, chun úsáid chuí a bhaint as lógó Chomhairle um Thaighde in Éirinn.
- 18.2. Ní mór don dámhachtaí agus don fhoireann taighde cloí le beartas Chomhairle um Thaighde in Éirinn um [Cheanglais maidir le Maoiniú a Aithint](#) i gcónaí.
- 18.3. Nuair a mhainníonn dámhachtaí go seasta aitheantas a thabhairt do thacaíocht Chomhairle um Thaighde in Éirinn, féadfar smachtbhannaí a chur i bhfeidhm lena n-áirítear toirmeasc iarratas a dhéanamh ar mhaoiniú breise ón gComhairle um Thaighde in Éirinn ar feadh tréimhse dhá bhliain.
- 18.4. Ba cheart ainm iomlán ár n-eagraíochta, an Chomhairle um Thaighde in Éirinn, a úsáid i gcónaí agus tacaíocht á haithint.
- 18.5. Áiríteoidh an institiúid óstach:
- (a) go mbeidh an tagairt seo a leanas in aon fhoilseachán agus gach foilseachán a d'eascair as an dámhachtain: *“Mhaoinigh Comhairle Taighde na hÉireann an taighde a rinneadh san fhoilseachán seo faoi uimhir na dámhachtana [XXXXXXX]”*;
 - (b) go dtabharfar aitheantas do thacaíocht na Comhairle um Thaighde in Éirinn i ngach preasráiteas agus go ndéanfar tagairt di ó bhéal in agallaimh leis na meáin nuachta, lena n-áirítear meáin choitianta, mar shampla, irisí raidió, teilifíse agus nuachta;
 - (c) go dtabharfar aitheantas cuí do thacaíocht Chomhairle Taighde na hÉireann sna meáin shóisialta go léir.
- 18.6. Is riachtanas é go dtugann an dámhachtaí fógra don Chomhairle um Thaighde in Éirinn sula nglacfaidh siad páirt in aon imeachtaí suntasacha, mar shampla, dámhachtain fiúntais

shuntasáigh nó rannpháirtíochta substaintiúla a bhaint amach in imeachtaí a bhfuil spéis nó tionchar náisiúnta acu a bhaineann lena ndámhachtain.

- 18.7. Má tá sé i gceist ag an institiúid óstach nó ag aon bhall den fhoireann taighde preasráiteas a eisiúint faoin tionscadal taighde, ní mór don institiúid óstach fógra a thabhairt don Chomhairle um Thaighde in Éirinn roimh ré chun comhordú a cheadú.

20. Forbairt ghairme

- 19.1. Is beartas Chomhairle um Thaighde in Éirinn é a chinntiú go bhfuil na scileanna araíonachta agus inaistrithe ábhartha ag na taighdeoirí luathchéime a mhaoiníonn sí chun ligean dóibh bealaí gairme éagsúla a shaothrú agus iad féin a bhunú mar thaighdeoirí agus smaointeoirí neamhspleácha. Tá Ráiteas Beartais Forbartha Gairme Chomhairle um Thaighde in Éirinn ar fáil [anseo](#).

21. Dámhachtainí breise

- 20.1. Féadfar an dámhachtain seo a reáchtáil i gcomhar le sparánachtaí taistil, deontais trealamh nó dámhachtainí eile arna maoiniú go seachtrach:

- (a) I gcás go gcuirfeadh an dámhachtaí iarratas ar mhaoiniú breise chuig foinse eile, luafaidh sé nó sí go sainráite mar chuid den iarratas sin go bhfuil dámhachtain de chuid Chomhairle um Thaighde in Éirinn acu agus, má éiríonn leo, tabharfaidh sé fógra do Chomhairle um Thaighde in Éirinn roimh glacadh leis an dámhachtain;
- (b) ní mór do dhámhachtaithe a bhfuil foinsí maoinithe eile acu na hoifigí cuí ina n-institiúid óstach agus an Chomhairle um Thaighde in Éirinn a chur ar an eolas faoi mhéid agus foinse an mhaoinithe seo i scríbhinn. Ní mór an fhaisnéis seo a thairfeadh freisin sna tuarascálacha riachtanacha ar dhul chun cinn. Baineann sé seo le maoiniú breise a fuarthas roimh nó le linn théarma na dámhachtana.

- 20.2. Sa chás go bhfuil maoiniú breise á fháil ag an dámhachtaí ó fhoinsé eile, forchoimeádan an Chomhairle um Thaighde in Éirinn an ceart plean bainistíochta ama a iarraidh.

22. Aistriú dámhachtana

- 21.1. Má tá sé i gceist ag an dámhachtaí coinne a dhéanamh ag institiúid incháilithe eile, ansin féadfaidh siad comhaontú ó Chomhairle um Thaighde in Éirinn a lorg go n-aistreofar an dámhachtain. Féadfaidh an Chomhairle um Thaighde in Éirinn, ach ní bheidh oibleagáid uirthi, aontú leis an iarraidh sin ar choinníoll:

- (a) go bhfuil sí sásta nach mbeidh tionchar ag gníomh den sórt sin ar chríochnú na dámhachtana de réir an bhuiséid, na gcuspóirí agus na nithe insoláthartha comhaontaithe;
- (b) go gcomhaontaíonn an Chomhairle um Thaighde in Éirinn, an institiúid óstach bhunaigh agus an institiúid óstach nua an t-aistriú i scríbhinn agus roimh ré;
- (c) go gcuirtear socruithe atá sásúil do Chomhairle Taighde na hÉireann agus don institiúid óstach nua i bhfeidhm chun leanúint leis an tionscadal taighde san institiúid óstach nua ar bhealach a ceadáíodh i dtosach é; agus
- (d) go bhforchoimeádan an Chomhairle um Thaighde in Éirinn an ceart cibé coinníollacha a fhorchur agus cibé beart is cuí léi a dhéanamh i gcás aistrithe den sórt sin, lena n-áirítear stop a chur le híocaíocht leanúnach i dtráthchodanna.

23. Foirceannadh

- 22.1. Forchoimeádann an Chomhairle um Thaighde in Éirinn an ceart an dámhachtain a laghdú, a chur ar fionraí, a fhoirceannadh nó a chúlghairm le héifeacht láithreach:
- (a) má fhaightear amach go bhfuil aon chuid den fhaisnéis san iarratas ar dhámhachtain míchruinn ar aon bhealach ábhartha;
 - (b) má mhainnigh an institiúid óstach nó an dámhachtaí go hábhartha na Téarmaí agus Coinníollacha seo a chomhlíonadh;
 - (c) más rud é, i dtuairim réasúnach na Comhairle um Thaighde in Éirinn, nach bhfuil an dul chun cinn sa tionscadal taighde sásúil;
 - (d) mura bhfuil an institiúid óstach in ann aon cheadanna, ceaduithe, ceadanna nó toilithe ábhartha a fháil atá riachtanach chun an tionscadal taighde a chur i gcrích;
 - (e) má aimsítear go ndearna an dámhachtaí mí-iompar taighde;
 - (f) i gcás gur seasadh le líomhain de bhulaíocht nó ciapadh i gcoinne an dámhachtaí agus go sainaithnítear measúnú riosca ina dhiaidh sin arna dhéanamh ag an institiúid óstach an gá le gníomh breise;
 - (g) má chuireann an institiúid óstach deireadh le fostaíocht an dámhachtana;
 - (h) má sháraíonn an dámhachtaí a nasc leis an institiúid óstach nó má laghdaíonn sé a nasc leis an institiúid óstach sa mhéid nach féidir leo, i dtuairim réasúnach na Comhairle um Thaighde in Éirinn, treoir ghníomhach a thabhairt don tionscadal taighde a thuilleadh.
- 22.2. Ní bheidh aon chostais a thabhaítear le linn aon tréimhse fionraí na dámhachtana nó tar éis dháta éifeachtach an dámhachtana a fhoirceannadh nó a chúlghairm ina gcostais dhíreacha.
- 22.3. Laistigh de seasca lá ó dháta éifeachtach an dámhachtana a fhoirceannadh, a chúlghairm nó a dhul in éag, ní mór don institiúid óstach tuarascáil a sholáthar don Chomhairle um Thaighde in Éirinn ina mbeidh cibé faisnéis a bheadh sa tuarascáil deiridh a bhaineann leis an dámhachtain mar aon le cuntasáíocht mionsonraithe ar costais a tabhaíodh roimh an dáta sin.
- 22.4. I gcás go ndéanann an Chomhairle um Thaighde in Éirinn an dámhachtain a laghdú, a fhoirceannadh nó a chúlghairm de réir chlásal 23.1, ní mór don institiúid óstach cibé méid den dámhachtain a bheidh fós gan chaitheamh a aisíoc leis an gComhairle um Thaighde in Éirinn laistigh de seasca lá ó dháta éifeachtach an fhoirceanta.

24. Coinbhleachtaí leasa

- 23.1. Tá an institiúid óstach freagrach as:
- (a) coinbhleachtaí leasa iarbhír agus féideartha i leith na dámhachtana a thaifeadadh agus a bhainistiú;
 - (b) a chinntiú nach mbeidh coinbhleacht leasa ann don institiúid óstach, don dámhachtaí nó do bhaill eile den fhoireann taighde de bharr aon chaidreamh idir an institiúid óstach, an dámhachtaí nó bhall eile den fhoireann taighde agus aon eagraíochtaí tráchtála nó tríú pháirtí eile;
 - (c) beartas tiomnaithe coinbhleachta leasa a chur i bhfeidhm, nuair a cheanglaítear é seo le haon treoir is infheidhme.

23.2. Ní mór aon choinbhleacht leasa nó coinbhleacht leasa féideartha a bhaineann leis an institiúid óstach, an dámhachtaí nó baill eile den fhoireann taighde a nochtadh go hiomlán don Chomhairle um Thaighde in Éirinn a luaite a thiocfaidh coinbhleacht nó coinbhleacht fhéideartha sin chun solais. I gcás aon choinbhleacht nó coinbhleachta leasa féideartha, cinntfidh an Chomhairle um Thaighde in Éirinn, dá rogha féin, ar an ngníomh iomchuí.

25. Cosaint sonraí

- 24.1. Comhlíonfaidh an institiúid óstach na dlíthe go léir is infheidhme maidir leis an Rialachán Ginearálta maidir le Cosaint Sonraí (GDPR) maidir le sonraí pearsanta a phróiseáil.
- 24.2. Baileoidh, úsáidfidh agus nochtfaidh an Chomhairle um Thaighde in Éirinn sonraí pearsanta a sholáthraítear san iarratas agus a gheofar ar shlí eile faoi nó i dtaca leis na Téarmaí agus Coinníollacha seo chun an dámhachtain a íoc, a chothabháil agus a athbhreithniú, agus chun monatóireacht a dhéanamh uirthi chun a chumhachtaí agus a fheidhmeanna reachtúla a chomhlíonadh agus la haghaidh a gníomhaíochtaí ginearálta. Tá tuilleadh sonraí maidir le bailiú, úsáid agus nochtadh Chomhairle um Thaighde in Éirinn de shonraí pearsanta agus cearta daoine aonair maidir le sonraí pearsanta a bhaineann leo ar fáil i [bhFógra Cosanta Sonraí](#) de chuid Chomhairle um Thaighde in Éirinn.
- 24.3. Le linn na dámhachtana nó tráth ar bith tar éis don dámhachtain a bheith caite nó a fhoirceannadh, féadfaidh an Chomhairle um Thaighde in Éirinn teagmháil a dhéanamh leis an institiúid óstach, leis an dámhachtainí nó le haon bhall den fhoireann taighde maidir le deiseanna maoinithe, gníomhaíochtaí nó imeachtaí na Comhairle um Thaighde in Éirinn, nó chun críocha monatóireacht agus meastóireacht a dhéanamh ar shonraí taighde agus sonraí a bhaineann le tionchar.
- 24.4. Féadfaidh an Chomhairle um Thaighde in Éirinn roghnú tríú páirtí a údarú chun teagmháil a dhéanamh leis an institiúid óstach, leis an dámhachtainí nó le haon bhall den fhoireann taighde thar a ceann.

26. Saoráil Faisnéise

- 25.1. D'fhéadfadh sé go n-iarrfaí ar Chomhairle Taighde na hÉireann faisnéis a chuirtear ar fáil di mar fhreagairt ar iarraidh faoin Acht um Shaoráil Faisnéise 2014 a nochtadh.
- 25.2. Má mheasann an institiúid óstach nó an dámhachtaí go bhfuil aon faisnéis a sholáthraítear don Chomhairle um Thaighde in Éirinn faoi rún nó íogair ó thaobh na tráchtála de, sainaithneoidh sí, tráth a soláthróidh sí an faisnéis, an faisnéis sin agus tabharfaidh sí cúiseanna lena rúndacht nó lena híogaireacht tráchtála. Féadfaidh an Chomhairle um Thaighde in Éirinn, más cuí léi, dul i gcomhairle leis an institiúid óstach nó leis an dámhachtaí sula scaoilfear an faisnéis sin nó má thoilíonn sí le scaoileadh na faisnéise sin.

27. Réiteach díospóide

- 26.1. Tá sé mar aidhm ag an gComhairle um Thaighde in Éirinn déileáil le haon cheist a thagann chun cinn maidir lena dámhachtainí ar bhealach cóir agus tráthuúil. Ceanglaítear ar dhámhachtaithe dul i dteagmháil leis an gComhairle um Thaighde in Éirinn chun aon saincheist den sórt sin a thagann chun cinn trí na bealaí iomchuí a réiteach. Chun na críche seo, measfar go bhfuil úsáid fóraim phoiblí, lena n-áirítear na meáin shóisialta, ag imeacht go mór ón gceanglas seo.
- 26.2. Déanfaidh na páirtithe a ndícheall chun idirbheartaíocht a dhéanamh de mheon macánta agus aon díospóid a réiteach a d'fhéadfadh eascairt as an dámhachtain seo nó i ndáil léi, na Téarmaí agus Coinníollacha seo nó aon sárú orthu. Murar féidir aon díospóid den sórt sin a réiteach go cairdiúil trí ghnáthchaibidlíocht ag ionadaí údaraithe na bpáirtithe,

tarchuirfear an díospóid chuig Leas-Uachtarán na hinstitiúide óstaí agus chuig Stiúrthóir Chomhairle um Thaighde in Éirinn, a thiocfaidh le chéile de mheon macánta chun iarracht a dhéanamh an díospóid a réiteach.

- 26.3. Ní choiscfidh aon ní sna Téarmaí agus Coinníollacha seo ar cheachtar páirtí faoiseamh urghaire nó faoisimh eile a lorg i gcúirt dlí chun a chearta dlíthiúla a chosaint nó a fhorfheidhmiú.

28. Force majeure

- 27.1. Ní bheidh ceachtar páirtí faoi dhliteanas an pháirtí eile i gconradh, i dtort nó ar shlí eile as aon mhainneachtain nó moill i gcomhlíonadh aon cheann dá oibleagáidí faoin dámhachtain is cúis le haon teagmhas force majeure lena n-áirítear, ach gan a bheith teoranta do, gníomh Dé, díospóid saothair, nó cur isteach nó teip seirbhíse fóntais.

29. Inscóiteacht

- 28.1. Má thiocfaidh aon fhoráil faoi na Téarmaí agus Coinníollacha seo chun bheith mídhleathach, neamhbhailí nó neamh-infheidhmithe ar chúis ar bith, lena n-áirítear mar gheall ar fhorálacha aon reachtaíochta nó forálacha eile a bhfuil feidhm dlí aici, nó mar gheall ar aon chinneadh ó aon Chúirt nó comhlacht nó údarás eile a bhfuil dlínse aige ar na páirtithe, lena n-áirítear Coimisiún an AE agus Cúirt Bhreithiúnais na hEorpa, beidh na téarmaí nó na forálacha sin in-scartha ó na Téarmaí agus Coinníollacha agus measfar iad a bheith scriosta, ar choinníoll i gcónaí má théann aon scriosadh den sórt sin i bhfeidhm go mór ar nó má athraíonn sé bunús na dámhachtana, rachaidh na páirtithe i mbun caibidlíochta de mheon macánta chun forálacha agus téarmaí na dámhachtana a leasú agus a mhodhnú de réir mar is gá nó is inmhianaithe sna himthosca.

30. Cineál an chaidrimh

- 29.1. Ní bheidh aon ní sna Téarmaí agus Coinníollacha seo ina chomhpháirtíocht nó ina chomhfhiontar ná ní bhunóidh sé caidreamh gníomhaireachta idir na páirtithe.
- 29.2. Ní ghníomhaíonn an Chomhairle um Thaighde in Éirinn mar fhostóir maidir leis an tionscadal taighde, leis an bhfoireann taighde nó le haon phearsanra eile san institiúid óstach. Ní bheidh an Chomhairle um Thaighde in Éirinn freagrach as, agus ní bheidh aon dliteanas ar bith uirthi maidir le haon éileamh ar iomarcaíocht, cúiteamh, dífhostú nó idirdhealú nó aon éilimh eile a bhféadfadh an institiúid óstach nó an dámhachtaí a bheith faoi dhliteanas ina leith mar fhostóir nó eile.

31. Imeachtaí dlí

- 30.1. Áiritheoidh an institiúid óstach go gcuirfidh an dámhachtaí agus aon bhall den fhoireann taighde iad féin ar fáil chun páirt a ghlacadh in aon imeachtaí dlí a eascróidh as an dámhachtain lena n-áirítear, ach gan a bheith teoranta dóibh, imeachtaí i ndáil le húnéireacht, saothrú, tráchtálú nó bainistiú aon mhaoin intleachtúil.

SCEIDEAL 2 - COINNÍOLLACHA SPEISIALTA

Baineann siad seo go sonrach leis an gcineál dámhachtana.

SCEIDEAL 3 - AN SCEIDEAL BUISÉID AGUS ÍOCAÍOCHTA

Le háireamh ag céim na dámhachtana.

SCEIDEAL 4 - AN SCEIDEAL TUAIRISCITHE

Le háireamh ag céim na dámhachtana.

SCEIDEAL 5 - DEARBHÚ UM GHLACADH LEIS AN DÁMHACHTAIN

Le háireamh ag céim na dámhachtana.